

Psitakoza (papagajska groznica) je rijetka pneumonija uzrokovana bakterijom *Chlamydia psittaci* koja se nalazi uglavnom u pticama kao što su papagaji, male papige i vrste patuljastih papiga. Nalazi se i u ostalim pticama kao što su golubovi, zebe, pilići i purani. Ljudi se obično inficiraju udisanjem prašine perja ili otpadaka zaraženih ptica. Organizam se može prenijeti i ugrizom zaražene ptice, a rijetko od osobe na osobu iskašljanim kapljicama. Psitakoza je pretežno profesionalna bolest ljudi koji rade u dućanima za kućne ljubimce ili na farmama peradi.

Oko 1-3 sedmice nakon zaraze čovjek dobije povišenu temperaturu, zimicu, umor i gubitak apetita. Dolazi do kašlja koji je u početku suh, ali kasnije se stvara zelenkasti iskašljaj. Povišena temperatura traje 2-3 sedmice i tada polako prestaje. Bolest može biti blaga ili teška što ovisi o dobi bolesnika i zahvaćenosti plućnog tkiva.

Krvni testovi na antitijela su najpouzdanija metode potvrđivanja dijagnoze.

Uzgajivači i vlasnici ptica mogu se zaštititi izbjegavanjem prašine perja i krletki oboljelih ptica. Traži se da uvoznici osjetljive ptice podvrgnu 45-dnevnom davanju tetraciklina što uzročnika obično uništi.

Psitakoza se liječi tetraciklinom najmanje 10 dana. Oporavak može potrajati dugo vremena naročito u teškim slučajevima. U teškim neliječenim slučajevima smrtnost može doseći 30%.